

FORMIDLING AV NATUR OG KULTUR

Øyskogen og Bygdemuseet



FORMIDLING AV NATUR OG KULTUR

Folkestadbyen



Illustasjon: Rita Metveit

FRÅ 1870-ÅRA OG FRAMOVER danna det seg ein "landsby" i Fyresdal sentrum. I tida rundt 1900 budde det 129 menneske i 25 bustader i det som blei kalla Folkestadbyen. I "byen" levde dei av å produsere tenester for andre. Her budde det skogs-

arbeidarar, skreddrarar, smedar, ein baker, jordmor, folk som arbeidde på rutebåten på Fyresvatn, handelsmenn mfl. Det blei tilflytting frå gardane og grendene i bygda. Mange tok med seg husa sine, sette opp uthus og laga ein liten hage rundt. Fleire av husa blei moderniserte i sveitserstil. Dei ordna seg så tett langsetter vegane at vegane blei kalla gater. Denne strukturen av ein hageby har sentrum i Fyresdal enno. Det er dette som er særskilt med Folkestadbyen samanlikna med andre bygder.



Layout Nina Åkersveen / trykk Erik Tanche Nilssen as

Ansvareleg utgiver er VTNU AS og Fyresdal kommune med støtte frå



VISSTE DU AT FYRESDAL har eit av dei største freida gravfeltene i Telemark? Dei 18 gravhaugane ligg i bygdeparken Øyskogen og er frå yngre jernalder (600–1000 e.Kr.). Kan du finne spor etter dei?


I parken finst det òg bygningar som var vanlege på gardar i Fyresdal på 1800-talet. I gardstunet var det vanleg med lafta stovebygning, bur, loft, løe, stall og fjøs. Smia og badstova låg utanfor tunet på grunn av brannfare. Husa i Øyskogen er frå ulike tidsperiodar mellom 1500- og 1800-talet.

Bjørnstadstova er frå 1600-talet og var i tidlegare tider nyttå som tingstove. Ved fylkesvegen ligg utstillingsbygget med ei rekke gjenstandar som bygdefolket nyttå i ulike samanhengar. Om sommaren kan du få omvising. Kontakt turistinformasjonen.

KVA KAN DU SJÅ PÅ TUREN?

"MB TEISNER" var fløytingsbåt på Fyresvatn frå 1913 og fram til 1971, då tømmerfløytinga blei nedlagd.

Foto: Tore Fossum



3 KM RUNDLØYPE / 1 TIME

LETT TUR →



Fyresdal – Telemark

TURMÅL Moland
Kulturminneløype

TEMA Kulturminne/bygdevandring



foto ?

I OLOKSPELET i Fyresdal blir vi tekne med attende til tida då Olav den heilage reiste rundt for å kristne Noreg. Spelet går av stabelen kvart år i olsokhelga.

Foto: Edvard Nesland



Turskildring

KULTURMINNELØYPA har utgangspunktet sitt i Fyresdal sentrum ved Bygdetunet Øyskogen. Har kan du velje om du vil gå heile løypa (Folkestadbyen + rundløypa om Saukro og Bryggjeparken) eller berre éi av sløyfene. Heile turen tek i underkant av ein time i alminneleg turtempo. Turen stiller ikkje særlege krav til fottøy eller form – han eignar seg godt for både barnefamiliar og eldre. Det meste av løypa kan gjennomførast med rullestol.

Køyreskildring

Parkeringsplass og start i Fyresdal sentrum v/Bygdetunet Øyskogen.

(GPS: N59°10.983' E008° 05.557')


Du har sjølv ansvar for tryggleiken undervegs.
Ta omsyn til naturen og beitande dyr.
Gjer vel å ta med søppel heim. God tur!



Kart:
Fyresdal Aust 1 : 50 000



Tilgang:
mai til november
280 moh



1. Folkestadbyen med Skipergata og Lensmannsgata og ei særprega "landsby"-busetting.
2. På veg mot bryggjeområdet ser du prestegården på venstre hand, og ved inngangen til Moland kyrkje (bygd i 1843) ligg ein freda gravhaug frå jernalderen.
3. Kløkkargarden (bygd i 1777), som var den første faste skulestaden i Fyresdal.
4. Munkhola – ei hòle i fjellet som blei danna under istida av is og frost sprenging då Fyresvatn var langt høgare enn i dag. Det er ei segn som fortel at munkar brukte dette som göymestad på 1500-talet.
5. Slaggfunn på Prestestranda dokumenterer to freda jernvinningsanlegg frå yngre jernalder/mellomalderen.
6. Ved hjørnet av P-plassen ved kafeen er det restar etter tre gravhaugar og ei gravrøys som er freda.
7. Prestebryggja og Bryggjeparken – lagde til rette som bade- og rasteplass.
8. Den gamle fløytingsbåten "MB Teisner" blei teken ut av drift i 1971, men blei teken vare på og sett på land. Han blei bygd på Akers Mek. Verksted, frakta i delar og sett saman i Fyresdal. Frå båten kan du følgje gangstien langs Sitjeåa opp til fylkesveg 355, og med retur til Øyskogen og Folkestadbyen.